

Сургъулин-сургъмджин кӧдлмшт ОНЬГ ӦГХМН

Давсн сургъулин джилд Целинн района кесг школмудар сургъулин предметс дасхлгъна чинрнь зӧвӧр ӧбдлв, политехническ сургъуль дасхлгън бас ясрв, гидж август сарла болсн багшнрин хург деер темдглгдлӧ.

Района турун нуурт йовгч школмуд, бичкдуд сургългъна кӧдлмшӧн ӧмтнӧ бӧӧдл-джиргъллӧ залгълдудж кеснӧ ашд сургъулин болн сургъмджин кӧдлмштӧн ик кӧцл бӧрцхӧв. Балиевск, 2,4,5-ч номермудтӧ школмуд, 2,3-ч номермудтӧ Ленинск эклцин школмуд, Западн, Степновск, Восточн эклцин школмуд сургъулин джилдӧн сӧн динлвртӧгъӧр чилӧцхӧв. Деер келгдсн школмудин багшнр эврӧннь кӧдлмштӧн сӧзгӧн тӧвдж, бийсдӧн даалгъсн ӧбдӧн даалгъврн чинринь меддж, шундж кӧдлцхӧсн учрар, ашнь иим сӧн болв.

Болв, политехническ сургъуль школмудар ода бийнь эврӧннь орман эзлдж, гун хаалгъдан орад уга. Уунд цуг саалтг болджахнь—материальн баз уга болсн учр: мастерскойс, маши дасхлг кабинетс болн оборудовань уга. Школмудар шинӧс мастерскойс тосхд шэфств авсн организацс хуучн мид болн станокс нань чигн зер-зев гаргълж ӧгх, нӧкд болджахмн уга. Ӧгч болн хуучн машид болн станокс, нань чигн оборудованьс района совхозмудар болн РТС-р бӧӧнӧ.

Давсн сургъулин джилд эн районд 160 сургъульчнрас тогтсн 3 производственн бригад, 5 производственн звено кӧдлв. 10 гектар огород, 17 гектар сад болн 170 гектар эрднишишӧ эн сургъульчнр хӧлӧдж асрцхав. Сургъульчнрин производственн бригадсар кӧдлсн сургъульчнр цугтан селӧнӧ эдл-ахун кӧдлмшин дамшт

сӧӧнӧр дасдж авцхав.

Шин сургъулин джилд багшнрин ӧмн тӧвгдджӧх нег эрки тӧрнь—негдгч клас-смудар гарин эрдм дасхлг уроккас эклӧд, арвдгч классмудар маши дасхлг эс гидж агротехник дасхлг уроксар чилӧдж, школмудар политехническ сургъуль даслгъиг даруд улм ясруллгън.

Эрдм-сургъулин района отдел (зав. ур Костин), туунӧ инспектормуд сургъулин шин джилд кӧдлмшӧн чаньгъадж, багшнрт дамштнн болн методическ дӧнь дару-дарунь ӧгчӧх зӧвтӧ.

Августовск совещаньд орлцджах багшнрт эрдм-сургъулин отделин методическ кабинет, сургъульчнрт гарин ур дасхлгъна болн уул дасхлгъна гӧӧхул беллдж бурдӧснн уга, улгур авхин кергт сургъульчнрин тетрадьмуд ӧзӧулгдснн уга. Иим ик дугу-дунд йовдлмудла эвцдж болшго.

Района школмудар сургъульчнрин комсомольск болн пионерск организацсин кӧдлмш бас ик дугу-дундга болв. Школмудин комсомольск организацсин зерглӧн йир багъар ӧсв. ВЛКСМ-н райком школмудин комсомольск организацсин кӧдлмшт сулар гарлвр теткдӧв, теднӧ сургъульд оньган татугъар ӧгчӧв. Дундин болн долан джилин школмудин директормуд болн багшнр школмудин комсомольск комитетсин сеглӧгрмудт сургъульчнр дунд кӧдлмш бурдӧхднь муугъар нӧкд болджацхав.

Ӧдгӧ цагт мана ӧмн тӧвгдджӧх, бичкдудт политехническ сургъуль дасхлгъна тӧр, ӧбрхн цагин эргцд сургъулин болн сургъмджин кӧдлмшӧн ясрулхиг, школин багшнр болгънас неклжӧнӧ.

ДЖАМБИН Ярослав.